


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之十

兵部尚書張公傳

兵部尚書余公行狀

肅敏余公傳

忠宣劉公神道碑

兵部尚書何公墓誌銘

竹堂王公墓誌銘

竹巖胡公行狀

兵部尚書胡公墓誌銘

浙江圖書館

王世貞續編

戴

楊廷和

李東陽

林俊

汪俊

呂柟

楊廷和



康簡李公墓誌銘

端敏胡公墓誌銘

胡端敏公傳

胡端敏公傳

康惠李公墓誌銘

楊一清

吳鼎

雷禮

翟鑾

浙江圖書館

資政大夫太子少保兵部尚書謚懿簡張公傳

戴銑撰



張鵬字騰霄號拙菴世為保定涑水人曾祖思義祖彝仕
國朝官至慶府左長史父禦兵部職方主事並以公貴累
贈至資政大夫太子少保兵部尚書公幼已負卓異不與
里中群兒嬉年十四失所怙繼失所恃雖處乳疚而向學
則勤勵不懈及入邑庠才思日以充正統丁卯以詩經領
順天鄉薦景泰辛未中禮部會試廷對賜同進士出身授
山西道監察御史立朝謇諤有才名凡百施為務持大體
畧苛細常條奏時事關民之休戚者十而人服其切直朝

廷嘉納悉下有司施行之甲戌監會試公明之譽籍籍尋
按治隆慶等處乙亥監南和伯軍之湖廣丙子清理京畿
馬政在在卓振風裁賢聲益著天順丁丑武臣石亨恃寵
作威福人莫敢犯公奮不顧身率同列極詆其罪亨憾之
竟被誣構謫戍遼東鐵嶺衛尋改廣西南舟衛後亨事敗
人服公晒見幾先甲申憲宗即位宥還乙酉召復舊官明
年超擢福建按察使戊子夏廣西缺官巡撫擢公都察院
左僉都御史以往公常謫居其地備諸民夷土俗凡政令
之出甚合時宜而邊境用寧己丑言官劾中外大臣之不
職者誤及公上知公忠直獨留巡撫如故尋改理南京都

察院事是非予奪一以至公而臺綱振肅辛卯春復改都
察院總督漕運兼巡撫淮揚等處明年盜發境丙申勅巡
視廬鳳淮揚四府徐滁和三州公以恩信為治輯捕有方
踰年盜息甲午仍還南京理院事是年夏擢右副都御史
巡撫寧夏丁酉召為兵部右侍郎己亥轉左侍郎壬寅特
拜尚書甲辰春進階資政大夫冬加太子少保自是多疾
常在蒙遣中貴湯藥之資偕太醫視療累乞致仕不獲允
後復請不已上察其意堅賜之勅俾馳驛以還命有司月
給米二石歲給役夫四人陞辭復賜鈔二千緡皆異數也
寔乙巳之夏閏四月焉丁未今上即位詔進資德大夫正

治上卿居家優游自適凡七年而終享年七十有二計聞
詔有司營祭葬如故事賜謚曰懿簡公之剛直真介夷險
一致凡六為臺憲歷內地邊方者八所至必感激自効竭
盡心力而務民非得風憲大臣治之不可其意蓋自薦也
公言是在人不在官如其怠曠雖風憲大臣何益而事遂
寢公臨政簡約每以生事喜功為戒當歲饑四方奏多盜
賊陝西河南諸處尤甚公報言此輩時逼於饑不得已而
然耳惟罪首惡者一二餘悉宥之則其黨自散矣各道奉
行未幾果無事其居官處事益如此公為人悃朴無華雖
居顯要自奉如寒士資性樂易莊重不立岸岸不輕笑語

故太子太保兵部尚書余公行狀

楊廷和撰

公姓余氏諱子俊字世英別號率菴蜀之眉州青神人生
十歲而先都憲公卒于京師太夫人携公扶柩還蜀獨與
公及次子偉居公少多病漸長器識不凡家山後有古塚
鄰兒取其遺骸為戲公輒為掩之是夜夢老人謝曰子有
陰隲為我整理門戶他日當至大官嘗雜於郡牧兒中有
縱畜踐人苗者地主追之衆皆驚散公獨拱立折之以理
其人異之時眉人吳行準先生以明經為學者師公往受
業補邑庠弟子員景泰庚午舉于鄉明年第進士授戶部

主事分司太倉出納痛革宿弊有兩貴家爭田部檄公案
之一家謂是舊名某家塘當屬我公曰然則張家灣盡屬
張家邪卒為直之南北兩畿告災公往視盡上其狀用是
以精敏聞尋陞本部員外郎尚書金公濂年公富侍郎楊
公鼎俱賢之英廟在南內同官有夜就公謀迎復者公不
可曰主上天之所命臣子豈敢貪天之功且吾父早見背
母夫人守節今已垂白矣吾為親計敢辭其人知不可奪
因屬以後事應之曰君萬一不諱豈敢相負及其倖致顯
位公未嘗一造其門每欲薦公大用私以語年公年公亦
以公意沮之後卒罹慘禍而公不與逾年出知陝之西安

府民苦艱食餓殍載途白於所司貸官廩賑濟仍請如所
貸區畫償之得十萬斛全活甚衆時西北多事 上命都
御史王公竑侍郎白公圭洎諸公徂征通政叅議尹公旻
實總軍餉雅重公首委任之事以克濟西安城中水皆鹹
鹵飲者病之公決地七十餘里引滴河水周流城中復泄
於隍戶皆有井因號通濟渠又呼為余公泉巡撫都御史
項公忠上其治行特賜 璽書旌之成化初陝西布政使
某不職年公請黜之而超拜公吏部謂年公侵官中止都
御史林公聰亦嘗薦之尋陞本省叅政奉飭督三邊軍餉
益著能聲遂有右布政之擢逆賊滿四之變公在軍中贊

畫居多又以其餘力修灞橋貲費無算民若罔知歲庚寅
轉浙江左布政使乘傳赴任在官裁六閱月嚴無峭峻明
罔苛察人吏多懷畏之會西夏有警擢右副都御史巡撫
延綏以軍功轉左再遷右都御史在邊嘗徒行山谷間日
五六十里遠且百里盡已得其形勢乃請修築城堡東自
清水營之柴城砦西至寧夏花馬池延袤幾二千里有因
山崖剝削者有因土崖剝削者曠漫之地有築牆掘塹者
每二三里間為對角敵臺岩砦連比不絕每岩砦之空築
牆三堵橫一斜二如新月之狀以為偵敵避射之所凡為
堡十有二建安常樂永濟三山馬砲把都河石滂池諸堡

俱創置者響水鎮靖二堡則移置者守護壕墻崖砦八百
一十有九小墩七十有八邊墩十有五役兵萬餘人未盡
三月功成過半而孤山平夷安遠新興諸營堡尤為壯麗
又以定邊安邊二營平漫難守移定邊於海螺城安邊於
中山坡回塞門于白塔間中山等處或者以二營移近內
棄地百里非便公謂宋范仲淹在延鄜時必據險與水以
自固為可以守也穢朝永樂間以東勝難守亦嘗棄之
今二營就險可守兼利耕牧抑以省轉輸之費况又何曾
棄我地邪卒如公議榆林城舊隘益開拓之增設一衛
益兵以萬凡邊城內棄地皆墾為屯田公家所徵歲數萬

石立武學以教其俊秀子弟軍中器用百爾具畢率範鐵
為之各識歲月其上至於蔬果之類亦隨其土之所宜令
人樹藝之而躬巡省焉自是虜人每經城下必墜指相顧
不敢鳴鏑者十六七年土人婦女亦相與頌公城邊之功
癸巳秋詔各道守臣陳邊務公上疏言守邊士卒更番防
秋次第歸農此常規也自孛羅入河套兵不歸農當有警
之時用無事之例馬不給芻粟兵不給軍器而民疲於轉
輸惟原其故各邊皆可以禦虜獨河套虜之巢穴出沒不
常宜於邊報稍息之時令大同遊兵操備朔州山西遊兵
操備灰溝營宣府遊兵有驚調用俱從之公在邊 上無

西顧之憂然亦以憂勞成疾乞歸命醫往視之丙申鎮關
中西安府縣學併三司公署歲久不治命有司一新之荆
襄流民蟻聚為盜都御史原公奉 詔安撫公與議設白
河諸縣易置長吏以臨之至今按堵遂開南山道直抵漢
中於是山澤之利始歸長安矣涇陽縣舊有洪口堰山高
水下不利灌溉乃出公帑責健吏鑿山開道溉田千頃是
私入朝會議時政優禮有加奏免岷河洮三衛之戍南方
各衛者一萬有奇易置南北之更戍者六千有奇蓋三衛
土人舊有籍於它省邊衛者歲久未遣時為有司所覈將
遣之公謂土人文字異于中國其姓名有至四五字者比

覈之徃徃不承即遣戍非其情恐有他變宜籍之本衛庶
緩急得其死力且各衛兵舍此亦未為少也陝人有戍閩
廣雲南四省者一萬有奇四省戍陝者半之公以南北之
人各懷其土宜兩易之彼此罷遣其餘仍隸舊戍就以陝
所易者分戍固原之葫蘆峽并魏王城復設平虜鎮戎二
千所領之俱從其議既歸鎮岷州羗夷倡亂報上即率輕
銳克平四族執鹵獲醜四百餘級岷州地險隘國初時惟
指揮馬燁勒兵深入其地馬威令不可犯人謂之閩王至
是公再入羗人遠遁因相戒曰馬閩王復來矣誓不敢叛
捷聞賜勅獎勵有北虜畏其威聲西戎遭其剗刃之語丁

酉秋召拜兵部尚書論前功食一品俸逾年加太子少保
賜金碼磁帶五彩麒麟衣一襲遼東守臣依阿權貴請征
建州內附夷人以為功 上下其事公以為自古馭夷之
道守備為本我祖訓條章已備言之建州女直叛服不常
朝廷或開焉市以製其黨或許買鐵器以結其心皆羈縻
之義非示之弱也今建夷復當加等未有罪狀某等遽欲
命將出師似非備邊本意如必不得已可別遣重臣徃彼
節制隨機戰守公之意蓋謂別遣人則要功者不得行其
計矣既畢不可阻則復極言之謂其忍心欺罔遺患邊方
前此皆蒙 聖恩寬貸今若再從天下後世謂之伊何是

時權貴者氣焰熏天公獨與之抗人皆為公危之公曰某
之愚忠 聖明所知也後皆相繼敗去公卒無患時貴州
守臣亦言播州苗賊賚果等勢轉猖獗恐為後患乞調湖
廣四川士馬五萬五千同會貴州討之公言變在四川而
貴州守臣以為言恐有要功小人主之川廣連年凶荒豈
可重手足而忘腹心之患且興師五萬以三月計之用軍
儲六萬七千五百石以半年計之則用十有三萬五千石
而川廣山路阻險不通舟楫取給負載必得兩倍之數俟
運至則天時已熟瘴癘兼作此腹心之憂也 上是之庚
子冬太夫人卒于家訃音風傳以憂而疾上遣使以醪米

牢具來問日令醫再視之訃至賜道里費下有司治喪事
給驛以歸服除馳璽書召起之陞見改戶部尚書兼官如
舊癸卯秋大同有警僉議公舊勞于外曉暢軍務遂命節
制緣邊諸軍事賜寶楮綵幣白金若干兩又明日就道請
京軍數萬分戍虜出沒之所守將以下素畏公罔不震懾
紀律一新虜聞之引去上用嘉悅遣錦衣衛百戶以特
羊上尊往勞之詔班師晉太子太保賜錦麒麟衣一襲甲
辰春正月以星變求言公言八事節財用重益法禁貴家
之奪民田爭利者罷中官之用事于外者詞旨剴切深中
時弊俱從之三月復往北邊節制諸軍事賜如初公行邊

自居庸抵宣府出雲中歷獨石偏頭關諸處雖盛暑露冕
于外如在延綏時相地之遠近夷險築外城置樓櫓浚壕
塹謹烽火精利器械取古戰車法損益之為利于戰守者
數千兩又為大同宣府兩軍練武圖多出心法試可底績
嘗 賜勅褒之曰籌邊之譽有來世未幾後改兵部詔秋
後還朝未成還俄改左都御史留守大同滋為蜚語所中
命工部侍郎杜公謙及科道官按其事一無所得落太子
太保以左都御史致仕歸青神舊有鴻化堰溉田若干頃
兵燹之餘鞠為榛莽或欲復之卒不得其故道公集鄉人
徘徊審眺指示山麓下衆皆笑且難之掘地不四五尺見

一穴役夫引修竹探之沒地不知其所窮郡力趨之果道也水利復歸于農鄉里以為神居未逾年上思之復起典兵政公曰君命也其敢違乎比至屢疏乞歸優詔慰留悉復舊所兼官未盡兩月先帝升遐今上嗣位力求去不許弘治戊申夏卧病公署疏三上乞骸骨上遣中使問之以醫來賜醪羞諸品逾月乃起視事今年春疾復作猶慮近戚希恩濫爵上章極諫其辭有曰伏望皇上益體祖宗創業之難益遵祖宗立法之善馭世務以大德不以小惠班爵務以公義不以私恩上嘉納之復以疾辭仍勉留之遣使命醫如前賜予有加公卧床褥猶

改竄文稿因念楚蜀荒甚弭災禦盜之術日夜往來于中
寢不能成寐而疾增劇于時口尚喃喃謂所遣醫曰子俊
未有分寸効力朝廷 主上眷遇之厚雖粉骨何以為報
今即不起未由一見叩謝丹陛下使者奏復幸陳愚悃言
已氣咽而卒于正寢實己酉二月二十二日也距其生宣
德己酉三月十四日享年六十有一訃聞 上震悼輟朝
一日遣中使賜寶楮萬緡又命有司諭祭者九給棺斂之
具贈特進光祿大夫太保謚肅敏公孝友天至每以先都
憲公不逮養為恨事太夫人盡禮得其歡心初在陝時功
名方進而屢乞終養皆不得命時時形于賦咏有半生未

遂陳情表萬死真成不孝兒之句比丁太夫人憂格其子
不得會試禮部曰是雖無律令中自不忍也子偉弟先都
憲公卒後遺腹生公為愛之早卒撫遺孤褰如其子嘗舍
其子而請蔭為國子生謂魏夫人曰成太夫人志也居常
寡言笑雖對妻子口不及官事亦不屑問私事沉毅博達
有遠畧時端坐深思莫可測識或問則曰官中一二事處
分恐不當耳待屬吏嚴而有恩每齋沐公署閱案牘往往
至夜分以為常胥徒竦息戶外不敢解衣冠休去蓋在陝
及浙中皆然其在家亦然與人交重然諾凡為人謀必盡
底裏告之或有請謁于公者可否首肯而已論時事感慨

激烈要以足食若兵為先務常語人曰居官為政但視國
事為家事則無不辦矣先城延綏時群議囂然公不惑亦
不顧迄以成功後在北邊力主前議會時旱荒復當農候
故議者云云執政者亦以為公心在國事固無他也所薦
事多強幹有風力者用是亦多克舉其職在官垂四十年
不皦皦以求聲名不營營以圖私便蜀嘗有寇掠青神過
其門曰此西安余知府家是守官廉者縱往無所得遂引
去至今鄉人猶能道之公貴後凡再居于鄉且四年雖造
縣令之庭亦不敢步自中道曰父母之邦也時與其親戚
故老道往事草坐觴酌亦不自知其貴且富也蓋亦有聞

其風而感且愧者矣元配魏夫人有賢行側室某俱先卒
子男二人長寘鄉進士次寄早卒女三人長適進士歐鉦
次適吳度閩次適鄉進士萬翬從子寰即蔭為國子生者
亦以明經舉鄉試孫男二松齡椿齡孫女二重桂重秀寘
寰皆穎敏有志公嘗教之曰誠能動物為人須當積誠自
能銷偽又曰不可使人視之如虎若曹果能服我斯言終
身用之不盡矣公好讀書作為詩文有奇氣寘集之成若
千卷藏于家於乎公早以孤熒克知鄉往既益淬礪為時
名臣駿發郎曹假守大郡方岳布甘棠之愛臺憲振埋輪
之風載陟夏卿兼

國計當陽有武庫之號文正起兵

甲之謹履重剛而不險秉勞謙以終吉舊德在位新化彌
休夫何槐陰功成梁木其壞當宁興喟諸老允懷揆之古
昔可謂生榮死哀者矣廷和生也晚不及盡見公之所為
間從諸公聞而知之寘又告之遺事甚悉屬為狀以上于
立言者請表章之敢用次其大槩如右謹狀

浙江

圖

榮祿大夫太子太保兵部尚書贈太保謚肅敏余公傳

長沙李東陽撰

公姓余氏諱子俊字士英眉之青神人也少為縣學生景
泰辛未登進士第授戶部主事有兩貴家爭田公承部檄
案之其一以地名偶同其姓執為己業公曰張家灣盡屬
張家邪事乃直以精敏聞遷員外郎知西安府歲饑甚發
廩出貸仍為措畫如數償之會有西師餽餉不乏西安水
多鹵民苦汲宋龍首渠久廢或議引瀉河水自丈八頭置
牖入城以洩于隍積滓既久城且壞公因丈八之制開新
渠貫城中經漢故城達于渭以免公私之患人稱為余公

渠巡撫都御史項公忠上其治行賜勅旌異成化初陝西
布政使有不職者戶部尚書年公富請黜其人而以公代
之吏部謂其侵官年力辦不能得都御史林公聰亦薦公
擢右叅政督三邊軍餉遂遷右布政使滿四之捷公在軍
中贊畫為多轉左布政使擢都察院右副都御史巡撫延
綏相度邊地每徒行數十里盡得形勢上疏言北虜正統
初始渡河守臣乃立石為界置榆林諸營堡外又築墩臺
以瞭賊天順後虜覘知河套所在入屯其內而我屯守反
在其外請於公邊墩臺之隙築牆建堡又於界石之隙因
山剗削其高若城每二三里則為敵臺崖岩連比不絕又

於中空築短墻橫一斜二如偃月狀以為偵敵避射之所
蓋自清水營之紫城砦至寧夏之花馬池東西延袤二千
里凡為堡十有二壕墻崖砦八百有奇小墩七十邊墩十
有五又移定邊安邊二營于近地或以為棄地可惜公謂
我朝永樂間以東勝難守亦嘗棄之今二營就險可守兼
利耕牧省轉輸費是地未嘗棄也又請置榆林衛取通兵
當勾及謫戍南土者之子孫以益之凡內邊曠地皆墾為
屯田歲獲數萬石立武學以教子弟之後秀者軍中器用
鉅細畢具率萬鐵為之識以歲月至蔬果之類亦隨宜教
藝而時巡省之自是虜過城下必嚙指相顧莫敢近又言

河套要地宜令大同遊兵備朔州山西遊兵備太原溝營宣
府遊兵有警調用行之至今以功轉左副都御史進右都
御史移鎮陝西陳弭盜安民數事涇陽有舊堰不利灌溉
每治輒輟公鑿山開道溉田十餘頃又鑿南山道直抵漢
中以便餽餉奏免岷河洮三衛之戍南方者萬有奇易置
南北更戍者六千有奇又以陝所易者分戍胡盧峽豫旺
城設平虜鎮戒二千戶所領之岷番作亂克其四族斬首
四百級捷聞賜勅獎勵有北虜畏威西戎遭劔之詔召拜
兵部尚書論功陞從一品祿加太子少保賜瑪瑙帶文綺
麒麟服遼東守臣阿權貴意請征建州內附夷人以為功

公議不可因請別遣臣制之以敗其謀不得則極論其啓
釁失利之故宜寘重法上賜誥問闔部待罪公獨承之云
皆臣子俊所為上怒亦解時貴州守臣言播州苗賊為患
請調兵會勦公謂變在四川而貴州以為言此要功者因
極論天時地利皆不可興兵乃已聞母病憂悸成疾上令
令中使以醪米牢具來問而遣醫視之及以喪告給驛賜
道里費命有司治祭葬服除賜勅召之改戶部尚書大同
失利命公總制諸軍事公請京兵分戍要害紀律一新虜
再引去上遣錦衣百戶以特羊上尊往勞之師遷加太子
太保以星變上言請禁貴家奪民田罷中官之用事于外

者復徃北邊節制諸軍公行邊自宣府至大同築外城置樓櫓造戰車數千兩為練武圖以教士卒錦衣百戶韋瑛者附勢亂政謫戍宣府後妖言事覺公以死法斬于都市時論快之未幾復改兵部召還朝俄改左都御史留鎮大同有論其糜財病民者命工部侍郎杜公謙及給事中御史徃按其事無所得落太子太保致仕未踰年仍召為兵部尚書復太子太保再閱月先帝升遐公力求去今上慰留不許弘治初卧病公署疏三上上遣醫賜羊酒乃復視事慮近戚之希恩濫爵者上言馭世務以大德不以小惠班爵務以公義不以私恩因乞骸骨恩禮益厚比在休禔

猶手削奏稿念湖廣四川荒甚陳弭災禦盜之術至寢不能寐再遣醫視疾弗廖己酉二月二十二日卒六十一上聞訃震悼輟視朝一日賜寶鏹萬貫命有司給棺歛具贈特進光祿大夫太保謚肅敏錄其孫繼祖為錦衣衛百戶公洮毅寡言而中博達有才略務勤官政尤篤孝友在陝時屢乞終養不得比居母喪格其于寘勿會試禮部念弟子偉為父遺腹殊愛之子其遺孤寰舍其子而請廕為國子生為知府時有寇過其門日是縱入無所得遂引去生年好讀書為詩文有奇氣遺稿若干卷藏于家娶魏氏封夫人卒子二寘其長舉鄉貢孫繼祖既廕而夭寘乃復就

廢進千戶後以征苗功擢指揮僉事今上聞其才命理錦
衣衛事舉進士授戶部主事亦有賢聲公嘗教之日誠
能動物人惟積誠自能銷偽又曰人固貴剛然不可使人
畏之如虎識者以為名言贊曰予嘗接令公談卽事論事
必欲實見諸行往復曲折大抵皆國家天下計也及跡所
施說歷歷可措數而在陝西功為多在延綏為尤多蓋以
沿邊數千戶屹成巨鎮與寧夏甘肅並為陝之保障雖童
兒女婦莫不知頌其功及用于北邊值時與地有所不合
役未及興而衆怨山動或者乃拜延綏之績為疑然則大
臣之排羣議任衆怨以成大功者不亦難哉夫民不可與

慮始可與樂成固也以吾士大夫為國家天下計亦為是
言何哉必若所言則都重位饗厚祿者皆將諉於傷財害
民累歲積資計日受代而不復知有天下不至於大壞極
弊不止也嗚呼世安得有勵志勤事惟日不足如陶士行
者哉予故傳公俾凡有吏責者勸焉

浙江

浙江圖書館



浙江圖書館

光祿大夫太子太保兵部尚書贈太保謚忠宣劉公神
道碑

莆田林俊撰

國家仁育區內元氣毓和名人間出以茂贊鴻猷弼成弘
治之治若東山公殆非偶然者公諱大夏字時雍上世東
平劉氏宋都統制寶從岳武穆平湖南隱華容之東山十
三傳為公未名揚文定公為之名未冠黎文僖公成之學
發解首為進士為庶吉士與李文正公同讀書中秘主事
職方郎中車駕而復為職方也名逾起中貴人獻取交南
策索故籍匿其籍朝鮮貢道由鴉骨關迂迴數大鎮達京

師奏由鴨綠江便公回祖宗微意孟宥貽立安撫為滇夷
患固有以阻之於先者矣勵犯雲中師失律檄書告急倉
劇有餘辦權璫大累屬意薦少馬司亟求叅知聞藩進兩
轄尋進副都御史有事河決自上流孫家渡疏三十里四
府營疏十里聯長隄以分大名山東水勢而別河張秋之
南以行運舟河就馴墮書褒賞入為戶部侍郎宣大便就
糴為勢家利公別儲募高民寬士飽乞告起右都御史總
督兩廣軍務兩鎮出私卒十三村藪盜為之衰止入為兵
部尚書召問所辭故曰民貧恐生變本兵重地臣無敢來
數日再問徵有常制曰近恐不止常制問兵曰與民等貧

舉鐸木者香材無藝之征與轉漕番操了責私役諸若上
曰豈知至是詔諸司條弊政與分外之徵疏聞淮南思變
為寢問歲儲不給財何在曰廣闔省歲廩與中鎮歲索猶
不相當上諦思久曰求如鄧原麥秀者用無寧已盖廉瑄
也又問安得泰平如帝王時曰求治亦難太急但如近日
與臺閣議當而行久之自治苗達乘虜報欲劫營上語公
因及永樂時破虜之意公曰當時丘福兵俱陷近河套亦
幸免且今兵力不逮未若戰守為計時戴莊簡公在側贊
言是上曰徵二臣言幾為所誤甘肅副將魯麟恃部落要
大將不遂棄歸願撫其衆奏至上問公公曰第叙其先世

歸附之勞從其奏兵權去無能為麟果快快死是時上慨然君臣相與之盛凡召公偕莊簡為多名而不官至幄前左右却立大政事大封拜大釐革密議移時間及左右未對曰畏之乎曰猶疑朕聽寺人之君語久起踉蹌行上老之令扶以出不受私贄與金請老命溫旨為諭留有間密語之備忌公無獨異沅然者薊州密雲保定繕城增戍奏還其番閱萬兵隱然京師兩腋有造飛語宮門者上曰是豈外人可到有不得私役是軍者至是上眷益深公之任益重知無不為世方改視而孝廟升遐公亦致其仕去柄移逆瑾縉紳羅致以盡尤甘心于公芳宇贄之逮致詔獄

得屠公彌救解猶戍甘肅瑾誅釋還道復光祿大夫太子
太保兵部尚書歸六年丙子五月晦日雷電風雨大作作
已公歿壽八十一高祖光祖曾祖必弘至祖御史公行簡
父察副公仁宅並贈兵部尚書妣配並贈夫人公開即平
粹休休然樂善貴不忘貧與人言忠孝教士廉謹謹教子
孫士農不乞蔭預卜壽藏所居西五里僅記其履歷大都
父之追賜葬祭謚忠宣錄其一孫國學俊忘年味似虞公
夢公率寓詩于隱公亦為予私念更燭情事無復山東聽
雨時矣神道之文祖修之請抑公之欲也公清約如知白
先憂如希文公望如彥國能處大事如子明忠結主知望

實孚于中外問安否于裔夷其仕其止其世可知也銘曰
粵古在昔嶽降星精遂猷方格坐廟以行黃髮詢茲底裏
孚契如水如魚于斯允儷良臣惟聖商實維賢于是猷替
一日三宣風時海馴遺弓斯泣悠悠蒼天斯日何日秦陵
昂昂岳府一方公化在東公神在旁

浙江

圖

兵部尚書太子太保何公墓誌銘

汪俊撰

正德十六年辛巳八月光祿大夫柱國太子太保兵部尚書五山何公卒于家冢嗣太僕君字携其姻待御俞君集狀請銘于予予承乏史館時見公丰采莊肅嚴峻不妄笑語凡所建明施設鑿鑿有根據動中機宜朝紳大夫皆就公以決大事予每私羨曰國之典刑朝之著龜茲非古之所謂大臣也與未幾抗疏歸休謝囂長逝緬懷哲人方愴然悲也敢以不文辭誌曰公諱鑑字世光少為諸生輒負大志曰出而不忠於君入而不孝於親豈不慙負天地羞

七尺之軀哉。領成化戊子鄉薦。登己丑張昇榜。進士宰宜興。不逾年。縣稱大治。甲午徵拜山西道御史。彈劾不避權貴。奏寢庭牒。逐散僧徒。總督太監之麾。卒有需索者。廡置于法。因被搆。下錦衣衛獄。卒亦無害。辛丑擢知河南府。杜開鑛之患。極凶旱之哉。埋葬餓骨。收養遺孩。復脩陳救荒禦災十事。悉見施行。河南之民咸戴厚恩。乃立祠肖像。使子孫世世無忘何公也。丁未春陞山東叅政。歷四川左右布政司使。凡利所當興。弊所當革者。悉奏行之。天官王公。恕考績書。最陞都察院右副都御史。歷刑部侍郎。南京兵部尚書。叅贊機務。時劉瑾擅權。內外依附。公獨毅然不撓。

瑾黨張文冕者公先巡撫蘇松時以詐偽事捕獄亡匿附
瑾朝夕煽禍無所不至以故罰米輸邊幾瀕危殆而公靜
以守之迄瑾誅辛未春召入為刑部尚書值人心憤亂盜
賊蠡起劉六劉七齊彥明蓋廷瑞等焚劫府庫戕殺守吏
內外洶洶南北不通廷議非公不能戡定乃轉本兵提督
軍務公即練甲兵嚴號令明賞罰募義勇劾將臣之不職
者奏請兵部侍郎陸完為總督授以成筭屢奏捷音十二
月賊覘知郊祭意圖犯蹕公即分調人馬以防衝突奉駕
出城民安如堵由是諸將奮勇追襲殪賊於通州之狼山
殆盡朝廷論功行賞加公太子太保階光祿大夫勲柱國

推恩三代封贈如其官蔭男一人為錦衣衛百戶當時承
平日久外訶內構勢甚倉皇使非公不震不驚大展才猷
幾唐之黃巢矣此朝廷不吝爵賞以酬功也公天性孝友
事父撲庵公與太淑人雖貴侍立終日承候顏色無少怠
兩居憂制痛恨不及時奉湯藥哀毀骨立出廬墓在凡墓
上竹木皆手自栽植大祥後感寒疾親族勸之始家居嘗
詠詩曰思親未遂曾參養報國徒懷祖逖心又曰獨有思
親忠國在夜來魂夢遶天闕蓋其幼之所志壯之所行念
念以忠孝為本其所以樹立勲業無愧古之大臣也厥有
由然哉公生正統七年壬戌六月二十九日得年八十元

配石氏贈一品夫人男二長字南京太僕寺寺丞次客錦
衣衛百戶葬于營山之壠予雅重公者勉為之文銘曰榮
山之巔惟石卷卷先生之德彌久彌堅榮山之前惟水油
油先生之澤如川如淵矯哉虎臣封此牛眠有墓可拜有
石可鐫閔輝無數億萬之平

浙江圖

浙
江
書
局



浙 江 圖 書 館

資政大夫太子少保兵部尚書贈太子太保竹堂王公

墓誌銘

啟

館

正德五年庚午春三月兵部尚書缺上用廷臣薦以王公
敬為尚書統天下兵政未幾叛賊何錦狹宗室寘鐸反于
寧夏殺鎮巡重臣偽置官職招諸誘鎮兵索地圖勢甚猖
獗公仰贊廟議出兵討罪起遂菴楊公為總制易置陝西
諸將分別無罪族屬宥協從者不治甫三月逆黨伏誅寧
平當是時逆瑾方播毒人心恟恟震恐微公與二三元老
鎮之以靜協心同力舉薦得人而處置中幾宜其戡定廓

清未必若是速也公之功可尋常視哉無何公懇乞休致
乃賜勅給驛還鄉命有司月給米歲給輿夫以示優寵時
正德辛未夏六月也又四年卒聞贈太子太保賜諭祭者
四命工部營兆域皆異數云其年月日公之子會將葬公
上元縣山東之原乃走京師以其同鄉按察副使沈君狀
請銘予雅與公善又其事有繫於天下國家者銘不可辭
按狀公諱敞字漢英別號竹堂其先浙之衢州西安人洪
武初以尺籍隸錦衣衛遂家南京曾祖國祥隱德弗仕祖
寧父忠俱以公貴贈資政大夫太子少保兵部尚書祖妣
祝氏妣張氏贈夫人公少敏警選為應天府學生有時名

提學御史戴公珊婁公謙俱稱為國器成化庚子以詩經
薦于鄉明年辛丑中會試第三人賜進士出身乙巳授刑
科給事中出閱四川建昌松藩諸鎮邊儲稽處有法軍餉
賴焉還上便宜六事其一言建昌往時歲起礦夫若干今
事既革而夫尚為權家所占請罷免從之丁未陞工科右
給事中弘治戊申孝宗即作賜一品服使朝鮮國其國主
令陪臣出女樂燕公公曰天子在諒陰中吾何忍聽此其
國君臣相顧媿嘆乃遣去己酉陞左給事中充禮部會試
同考官辛亥陞都給事中奏減兩京內府柴薪夫又奏以
各科所積柴薪餘銀助修六科朝房工費其餘奏䟽甚多

章上輒毀草曰吾職當爾不可以是沽名也乙卯推補通
政司右叅議敷奏稱上意丁巳進左叅議戊午陞左通政
壬戌丁母憂服闋仍為左通政正德丙寅進通政司初天
下章奏皆諸吏分掌出納得緣為奸至是置大匱列後堂
親封鑰之弊遂革戊辰以考績陞兵部左侍郎仍掌章奏
庚午歸本部尋陞尚書公以

兵部尚書竹巖胡公行狀

高陵呂柟撰

公諱汝礪字良弼別號竹巖陝西寧夏人也生旣周歲竒異駭衆見文字紙輒誦子曰字聲韻琅不類孩提七歲誦孝經喻大義常與群兒嬉戲別土粗細為糧堅瓦礫為倉貯之又作行陳相聞約勝者商工以資長老過見咸訝其不凡也十三四歲能詩賦文字與行輩談說多涉時務若老成人言十八歲提學戴恭簡公試其文日此子當大成蓋國士也鄉士夫亦遜曰胡生學力果器量深知見明不易及也二十二歲中陝西鄉試明年舉進士授戶部主事

監理清源芻粟力祛宿病狡吏莫之敢奸也後訖進郎中
聞其父封君訃去矣居封君之喪顓用朱子家禮西夏之
人至今倣之服闋授戶部郎中督餉山西不至期歲邊儲
告裕比虜逆邇大同無可與守者冢宰馬公特擢公焉於
是總戎重臣不束其下毒及兵民公曰此內韃靼也身痛
抑之厚忤重臣遂䟽疾求去冢宰用廷議覆奏公可大用
真無疾即疾亦可用不可去先皇帝俞之乃卒不去當是
時也守令無敢抗權官亦無以疾辭者辭疾矣亦無獲留
者公之才望自是滋震也越二年撫按憲臣交薦公可從
撫大同朝廷以京兆重地進公順天府丞期年而進府尹

順天須首善之地然勢族豪右十七其民動遭齟齬公低
昂其間畿甸之內亦有陰受其惠者矣遂進戶部侍郎勅
董宣府邊務尋改兵部左侍郎仍蒞邊政期年之間招屯
田數萬畝歲省內地輸可數百萬國威用壯朝廷從輿論
乃進公大司馬命下而幸公年未半百而爵位已極且鴻
材大畧著于兵食童子時嬉戲不偶然也幼時陳太夫人
病日暴熾公方讀書歸見之曰毋目若此吾何忍用明也
乃捐書不治絕其滋味夜焚香祝天形容憔悴居三月毋
夢神人告曰爾無慮爾目為也爾子之孝爾目為當愈矣
夢覺腫翳漸殺不旬日而愈至為主事聞祖母酒太夫人

之訃哭踊幾絕外寢素食期年而後已昆第七人公在長
與仲弟汝楫同學教爰篤至汝楫舉進士任丘公以府丞
提調順天鄉試匆遽中猶為作為政要畧一帙予之其言
今視之皆可為也鄉同年任良者居太學貧不能堪然孤
介不于人蒙面賣卦以自給故相識者莫知也特在戶部
獨禮之良且死無子其妻不能具棺也公買棺與歸其喪
同部主事壽儒死于官妻子孤弱遺弟汝明歸其喪父友
趙儒于死太學遺弟汝楫歸其喪語曰種苗者豐交友者
窮此昵之合惡乎有終人雖謂公不善與人交吾不信也
當其守大同也歲久旱鎮大臣雩禱弗應公痛自省責洗

足祈求忽大雷雨四郊沾足民爭頌曰此父母雨也先皇
帝既陟方公曰吾小官大政雖不與聞然嘗奔走中外躬
逢仁孝天子天下方享太平而遽倦勤于茲盛治之後事
未可知憂形于色入臨必慟絕蔬食別寢越二十七日而
後止同寮或朝之曰古有忠臣今有孝臣公第與無錫邵
寶遊以文章詩賦相磨切今所遺有竹巖集數卷詩文皆
雄健飄邁自成一家言也公先世應天溧陽人家族蕃富
溧陽稱巨姓者必曰胡氏其諱通甫者即公之高祖父通
甫生士真洪武初以醫累謫戍寧夏左屯衛遂為寧夏人
配劉氏生二子長諱雄配酒氏生璉即公之父封君也封

君年十五博學強記十八而遊衛庠慷慨有氣節然卒屈
于有司以公故封戶部主事云封君志續先世欲合溧陽
之族而未能也至公登進士使求通于溧陽族遣人來會
宗譜於是南北之胡始合而封君之志遂矣公配王氏相
待如賓終始如一自側微至通顯不一御婢妾也子男五
人長佶配徐教諭女次待配杜知縣女次伸配姜百戶女
次僑始就學女一納指揮沈瑁長子賜賚孫女三公生于
成化乙酉十二月八日卒于正德庚午三月一日將擇某
年月日塋于寧夏賀南山之陽而公之弟任丘君以柩在
鄉里之末且曾接公于京兆時也乃托柩述其大槩以備

當世立言之大君子采擇焉若其他政事之詳建立之大
藏大史冊固不能一一錄也謹狀

浙江圖書館



浙 江 圖 書 館

明故兵部尚書胡公墓誌銘

楊廷和撰

今年二月中兵部缺尚書 上用廷議擢本部左侍郎胡公為之朝士皆有得人之慶時公方有事于宣府再踰而凶問至至上聞之驚悼給驛歸其喪仍命禮部賜祭工部治塋公登三品未滿考蓋異數也公諱汝礪字良弼姓胡氏其先潁陽人曾祖士真以醫累謫戍寧夏祖諱雄贈通議大夫兵部左侍郎父諱璉慷慨有志節博學強記屢試于鄉不合委祉于公再封戶部員外郎加贈通議大夫兵部左侍郎妣陳氏累封太淑人公生始周歲每見書冊即出聲為子曰字琅琅可聽七歲通孝經大義與郡兒戲哀

士為糧豎瓦礫若倉貯之又作行陣相鬪約勝者賞之士
老長見皆訝其不凡十三四能為文詞好騎射與行輩談
說多涉時務若老成人語提學戴恭簡公以國士期之鄉
人士亦相語曰胡生學力器量識見三者皆過人異日所
就未可量也成化丙午舉鄉試明年第進士弘治庚戌授
戶部主事監督臨清倉儲剗剔積弊丁巳遷員外郎明年
進郎中兵部尚書馬公欲薦公為屬公力辭丁卯艱起復
仍舊官邊遽告急奉璽書督餉于山西事集而人不擾士
戍陞大同知府會軍興庶務叢沓公從容應辦諸將領出
兵時過公問計如其言輒勝節鎮諸公不戢其下徃徃戲

法害人公曰此患視虜且劇痛繩之諸公不平即上疏移
疾求去吏部知其情為覆奏云胡某可大用且真無疾即
疾亦可用不可去得旨從之自是諸公相戒無復撓公法
者歲大旱守臣屢禱弗應公乃獨齋沐徒跣登北嶽廟懇
諸每望見雲氣必舞抃百拜雲散輒哀號如是者累日倏
片雲特起若人來狀頃之風雨交作雷電四繞公端笏凝
立雨中移時所在沾足百姓謹曰此我府公雨也部使者
先後表上其治行薦之正德丁卯召為順天府丞明年進
府尹一二年間府連更數尹無久任者事因多廢部內豪
右益熾動有齟齬重為民病公隨事低昂執義而巽出之

民多陰受其賜者轉戶部左侍郎尋兼右副都御史清理
宣府屯田明年改兵部仍留宣府時各邊屯田多為豪家
所侵歲入不及原額之十二而供饋多仰給於內帑朝廷
下廷臣集議乃有清理之命使者不能奉宣德意多委鉶
薄喜事之人舉措張皇或致不靖公獨擇習事寬厚者自
隨又親歷諸營堡開諭其所以來之意宣府人皆安之公
素有疾疾至是以勞瘁復作會尚書命下亟具疏將奏復
未上而卒卒後守臣乃以其疏上之凡拓田若干萬頃歲
益糧若干萬石募兵幾千人所規畫皆兵食大計或曰公
兒時嬉戲固不偶也公事親孝謹母陳嘗病目幾喪明公

方治舉子業曰吾不忍獨用吾明也遂棄去且絕滋味雖
醢醬不入口每夕焚香籲天求以身代一日毋夢神人告
曰爾子誠孝爾目當復明矣既覺腫翳漸去不數日而愈
比為主事聞祖妣酒淑人訃哭踊幾絕出居外寢素食期
年而後已居父喪一用朱子家禮寧夏人化之四弟同爨
尺帛不入私室仲弟汝楫少年同筆研有師資之義後汝
楫成進士補令任丘公方以府丞提調鄉試匆遽中猶書
為政要畧示之在大同時 孝廟遺詔至公大慟旦夕臨
哀不自勝同官或嘲之曰公將為孝臣乎公曰汝礪小官
大政雖不與聞然嘗奔走中外親見 聖天子仁厚之化

天下方享太平而遽倦于勤盛治之後保之為難此汝礪之所慟也聞者服其言公與人交有終始初以進士為東鹿賈司空治墓諸生有貧不能婚者捐廩餼治巾衫助之鄉同年任良父執趙儒相繼卒于太學任貧甚公為買棺歛復告于鄉貴合贈賻歸其喪趙之卒適汝揖會試歸省因命護之以行主事壽儒卒于京妻子孱弱公亦為治後事仍遣弟汝明送至臨清而還溧陽族久不相聞其父封君公嘗欲合之而未能至公始寓書求通于其宗老其宗亦遣人來會於是兩宗始合而封君之心遂矣在戶部與同官無錫邵國賢遊以文事相磨切為詩文雄健著作若

千卷因其所白號名曰竹溪集藏于家公外和內剛臨事
能斷所至以節財愛民為心自奉儉約食常戒厚味每宿
公所茵褥有綺麗者必命撤去嘗謂勤儉為延福之基驕
奢乃覆躬之孽因著自知說以見志生于成化乙酉十二
月九日卒于正德庚午三月一日年四十有六平生不御
妾媵與其配王淑人相敬如賓子男五人信任仲俱業儒
值僑尚幼女一許嫁沈賜孫女三信輩卜以年月日莖公
賀蘭山之陽先事隨其從父汝楫奉翰林脩撰呂君柝狀
請予銘公之卒人多惜之謂用不究其才其功業不大白
予世予素知公乃為叙而銘之銘曰 世業惟醫卒以儒

顯光于溧陽其耀也遠民曹峻發我賢獨勞邊郡之理惟
法是操或其撓之上疏移疾帝曰良吏為我民屈民亦有
言我其忍失厥既奏功有聲有實遂從超薦尹正京府紛
其治絲煦如起窳毅而有容亦以用譽乃轉鄉佐乃持憲
節度田于邊既審既決匪以勵民莫我牽制有詔還公以
典本兵倏焉奏訃聞者失聲譬如考鍾其聲未烈譬如引
泉不究其澤維其後人舊德是食何以昭之此最其迹

資善大夫兵部尚書贈太子少保謚康簡李公墓誌

銘
鉞

京口楊一清撰

嘉靖丁亥^{六年}九月二十七日兵部尚書李公卒于官訃聞贈

太子少保遣官護其喪歸窆其鄉其仲子懋恭以銘來請
按狀公之先宛平人元季五世祖廷吉攜其子順成來家
祥符順成生仲斌仲斌生大用大用生景隆景隆生子四
人公其叔子也諱鉞字虔甫號毅齋生成化乙酉十月一
日弱冠領弘治壬子鄉薦丙辰第進士授山西道御史巡
視中城權貴家有奸法者無所假貸受知於戴恭簡公奉

勅理鹺河東鹽池苦潦歲課大縮公築防延袤數里課用
以饒訊疑獄一言立決中官席罷毒民劾罷之比去民遮
道泣留不得乃立碑公署以寓思三載考績被勅命馳封
父母出按福建監臨試事得人為多未幾以疾在告尋起
改浙江道稽覈諸司文卷吏束手屏息正德初群豎竊柄
罔上公會疏劾之乞盡除去辭旨伉直人曰真御史也已
而賊瑾專政尤惡公將其心焉而調無所得乃誣以他罪
罰粟五百石輸邊頃之丁內艱繼外艱服闋改山東道出
守鞏昌有惠政尋陞四川按察副使時方四等嘯聚劫掠
全蜀繹駭巡撫見素林公委公督勦所向大捷斬首萬級

不踰時底定捷聞賜璽書金帛加俸一級甲戌陞陝西按察使憲度一新廷薦為右僉都御史巡撫山西兼提督三關公自陝入晉道河東民羅拜馬前曰我公來矣先是守臣多侵漁邊儲軍餉告乏士卒多怨公至則痛革宿弊兵食始克將士樂為之用丙子秋虜寇宣府出曰羊口南牧武廟命提督大臣申飭徭禦公度宣大擁重兵虜必不利即移山西岢嵐五臺諸郡縣宜先為之計奏入報可虜果犯岢嵐如公笑卒大捷斬首百五十餘級獲馬千匹我軍全師而還朝廷嘉之褒錫優渥再陞俸一級時中人欲攘為己功改捷大同公弗與辨而諫官有為公憤者昌言于

朝論者益多公有內寇不靖公勦之旬日蕩平詔加俸如
前公疏辭且請老乞歸田里溫旨慰留丁丑被徵佐理院
事畿內飢奉命賑濟全活其衆時久旱不雨禱之即應召
還考績贈祖父母父母皆如其官妣皆恭人大駕南狩公
子惠官行人以諫死家人哭之慟公曰惠真吾兒惠真吾
兒死且榮矣何以慟為今上御極言官論劾大臣多所污
蟻公獨無所及累疏乞休不允擢兵部侍郎奉詔裁革武
臣抑僥倖汰冒濫武選肅清嘉靖壬午春虜寇西陲號數
十萬飛檄告急上采廷議以公素諳虜情閑於邊務遂以
兵部兼僉都御史行邊陲辭賜麒麟服寶鈔及發內帑銀

若干以給軍需公馳至固原虜勢方張隲突城堡而授兵
未有至者危甚下令大聞諸營門晝夜不閉虜疑有備不
敢逼稍稍引去詔以公總制三邊公乃申明紀律增築樓
櫓謹烽燧修斥堠廣儲蓄鍛戈予均節甘苦軍聲大振虜
勢衰久之虜復深入平涼涇州人懷疑懼公曰此成禽耳
乃調諸鎮游竒兵馬公伏要害斷虜歸路復大捷諸將爭
賀公曰虜失利必憤憤將復來延綏諸路宜有備虜果寇
延綏伏發斬百餘級或謂宜以捷聞公曰偶勝耳鎮巡奏
上璽書獎公有善於用人明於料敵之諭虜旣靖有詔還
朝貶封祖考考皆如公官妣皆淑人未幾進右御史督總

漕務暑冒南下察其利弊而興革之召還掌都察院事再
引疾求去上慰留弗允尋遷兵部尚書侍經筵兼提督團
營公旣握兵柄凡所規畫必求萬全然後以聞所選用將
師量才度能請謁頓息廕襲必明召募必審他如清驛傳
稽馬賦動合事宜部事業叢委文移案牘皆手自裁削終日
不厭卒過勞致疾疏乞骸骨上遣中使存問兼致羊酒又
公去志益決屢疏乃得請賜勅褒獎命馳驛以還歲撥夫
役月給公廩皆異數云此行疾轉劇竟不得起年六十有
二配林氏累封淑人子男四長即惠贈監察御史次懋恭
官生次懋俱林出次懋側室出女一適太學生董漢孫男

三長昇以惠廕補太學生次日昌俱幼孫女三公性果毅
外若坦夷中實不可犯立朝三十年恪慎如一日位至六
卿朴素如寒士初公自知府遷副使按察使僉都御史皆
予為吏部時所甄拔知之最深公屬纊前五日子與少保
南塢賈公同訪之猶出廳事道知遇甚委曲嗚呼孰知遽
為永訣之辭耶乃按其同鄉王編修教所著狀摘而書之
系以銘銘曰猗嗟李公既果以方內臺之良將噬於狼岡
蹈而傷出牧于邊以莫不臧提兵之符于寇于攘有屹三
邊千里巨防陳師鞠旅奠我封疆不動聲色獵狁于襄寶
甲明明歸於尚方天子勞公筐篚是將桓桓司馬中外所

望沮彼塵垢水雪其腸勤事殞生令名不爽其所未究
後之慶

浙江圖書館

太子太保兵部尚書贈少保謚端敏胡公墓誌銘

吳鼎撰

嘉靖九年秋九月丙辰晦致仕太子太保兵部尚書胡公
薨于家天子聞訃輟朝賜謚端敏贈少保遣官祭凡九勅
有司營墓墓在五雲山其子純卜十年九月癸酉襄事請
銘公諱世寧字永清別號靜菴世杭州仁和縣人祖諱嵩
考諱瑤俱贈吏部右侍郎祖妣張氏妣馮氏俱贈淑人公
起家昌化諸生舉弘治五年鄉試第二人六年第進士八
年授德安府推官十三年拜南京刑部主事十八年署員
外郎毅皇帝即位詔實授加奉訓大夫正德二年署郎中

三年出為廣西太平府知未幾以母喪去職六年復守寶
 慶七年擢江西按察使未拜而坐前告言寧庶人宸濠反
 謀謫戍遼東十五年起徙中就家拜湖廣按察使旋擢僉
 都御史巡撫四川今上改元以吏部右侍郎召聞父喪還
 四年以兵部左侍郎徵入五年改南京刑部六年拜南京
 工部尚書是年秋以左都御史徵改刑部尚書未知加太
 子少保左都仍舊入見辭免宮保俄改刑部尚書七年轉
 兵部加太子太保八年得請致仕已而召起南京兵部尚
 書叅贊機務太子太保仍舊固辭不拜而明年薨矣享年
 六十有三公幼有大志數夢偕于少保立朝與議軍國事

其學務實用凡規為建白具出定見為人廉約剛方遇義不可毅然必達其志不肯養交安祿專心奉上而已然亦坐是寡合遭訕怒初為推官以才節著應風憲召顧拜留都散郎久之得補遠惡郡郡領州縣率土官雅不庭叅公下令延訪長吏土官有來謁者推至誠與語却絕其餽獻及因他出過其營單騎直入帳中縱閱騎射良久乃還他日子弟應嗣官者輒為任之良厚由是民夷感其恩信唯太平州李璿悖父據印坐法不就逮公知龍英州趙元珪善用兵密檄其捕璿且授之方畧元珪乘璿不意猝起師攻之飛炬焚其州治璿走保山寨未拔公解衣齎犒元珪

曰以吾衣贖一州生靈也寨中兵聞之感泣解散元珪擒
璿及其印章名馬來獻公發璿所聚粟以賑被困之民且
悉除其租賦一年遂能懷服諸夷治聲大起其為兵憲時
宸濠反有狀人莫敢言公獨上疏畧曰南昌失火延燒萬
室基地便利盡歸王府債負所責遍及閭閻庄田所侵激
民立寨都布按三司官多為束手問刑叅吏受成而行近
者買辦漸行於外府騷擾遍及於窮鄉臣下懼有隱禍多
懷二心禮樂政令漸不出自朝廷地方之事益有可慮者
矣寧王自得衛兵以來威勢日橫而上下官司承奉太過
臣請戒諭寧王遵依祖訓止治其國內官僚勅鎮巡以下

官凡王府所委事必須奏可方行庶小民有再生之望地
方無意外之虞累千餘言不果用濠乃賄結諸用事者計
欲殺公杜衆口而指摘疏中禮樂政令不出朝廷諸諸為
離間親親妖言誹謗奏逮公捕繫錦衣獄考掠備至於是
給事中御史交章訟公寃久之得減死論及濠反書聞終
議除公謫籍還鄉里待次今上更化首為忠直受馴至大
用矣其自留都召入當路者頗有力然公不肯與黨坐臺
僅踰月忽更司寇實踈之也迨陳九疇獄起人始服公持
正九疇為兵備時有禦士魯番之功先機培殺其內應夷
人事連故總制彭公澤至是憚人聶能遷上書言哈密不

能興復由九疇啓釁徵陳下刑部獄蓋時有主之者將議
陳極刑奪彭為編氓公嘆曰使我典獄而殺一忠臣吾寧
先死乃密疏為彭陳申理人為公危之賴聖明感悟九疇
得不死然王尚書瓊遂主通番以復哈密為任會公拜大
司馬得竟其事具列夷情變詐非由啓釁今圖復哈密無
益而歲受玉魯菑之挾我為奸利則宜有覺而速改因陳
轉危為安之策意在勿勤遠畧專撫近邊上悅其言屬時
宰有所軒輊遂不盡用其策公又疏請增武備足邊儲而
薦馬吳陳九疇施儒楊必進堪軍施上為起吳將用之他
亦付所司議行矣桂冢宰詆公侵官疏吳不可用事中止

公遂引疾求去且以任人圖治之要為上極言之上留公
公求去益力詔乘傳還鄉里優賜輿人月廩未幾上更諸
用事臣思公強起之公遂稱疾篤然猶勸上圖廣嗣育容
受直言愛惜人才云公所至具有政跡立朝隨事效謹言
多不詳紀紀其大者而已因銘其辭曰維南有鷄天鑿厥
匪乃錫忠貞鎮衛社稷謇謇正言式遏寇賊居東四年罪
人斯得以我公歸保乂皇國更踐四卿文武作憲匪躬是
謀嘉猷入獻自牖納忠此曰黨同違衆臣拂彼曰詰直憂
心如惓孰窺其極刺姦若讐體國若子秉志不回誓以九
死好爵弗縻捨車就徒高朗令終足愧鄙夫有蟠名山有

折大江有峩茲封與國無疆



浙江圖書館

胡端敏公傳

胡公名世寧字永清浙之仁和人也幼有大志數夢偕于少保立朝議軍國事弘治壬子舉鄉試第二癸丑舉進士授德安府推官以薦陞南京刑部主事數辨疑獄陳備邊十事復應詔陳六事奏入皆不報遷員外郎時逆瑾擅朝劉瑯為守備都官咸修謁公獨不往機戶侵官錫累萬公擬盡本法御史阿瑾意劾公失入廷中議皆直公阿瑾者竟抵罪進郎中陞廣西太平府知府郡邊荒土官雅不庭參公下令延見長吏撫以恩信而絕其私饋及因他出過其營單騎直入坐帳中縱閱騎射良久乃還子弟應嗣官

者輒為保任由是民夷皆感悅太平州土官李璿阻兵拒
命潛檄龍英州趙元瑤捕斬之因大城壺關條治蠻事上
之丁內難補知寶慶約岷府毋受訟公人橫斂者悉裁以
法治如太平時擢江西副使備東鄉兵撫馭反側征姚源
賊王浩八及建昌毛坊盜皆有功因城廣昌南豐新城三
縣賴之宸濠反有狀莫敢言者公發憤上疏其曰曰江西
失火延燒萬室基地便利盡歸王府債負所責遍及閭閻
莊田所侵激民立寨三司官多受鈐束問刑叅吏舉奏成
案買辦漸行於遠府騷擾遍逮於窮鄉臣下多懷二心禮
樂政令漸不出自朝廷寧王自討護衛以來威勢日盛乞

戒諭止治其國內毋撓有司有 旨戒濠濠乃行萬金間
用事諸大臣奏公離間親親妖言誹謗逮捕甚急而公先
已遷福建按察使因問道走京師投繫詔獄刑訊逾年數
從獄中上書皆不報言官交章訟公寃久之得減死戍遼
東瀋陽中衛躬履行間授徒以自業凡四載濠反書間赦
歸田里復湖廣按察使擢僉都御史巡撫四川處松番軍
餉令近邊者輸租于邊而縮其額以所加徵內地內地勿
輸邊復條奏安邊便宜四事今 皇帝登極召為吏部右
侍郎聞外艱去既免喪上疏乞早定追崇之禮而赦群臣
議禮不合之失因言宦官外戚不可假以威權言官不可

加罪藩臬守令多不得其職累數千言召拜兵部左侍郎
進言保養 聖躬在慎起居節飲食願慎用醫藥又撰講
義三章以進一大學惟仁人能愛人章一洪範惟辟作福
章一易繫辭不出戶庭章二疏皆留中大禮成陞俸一級
丙戌知武舉引疾改南京吏部左侍郎進工部尚書尋以
左都御史召道改刑部尚書用議者言加太子少保仍左
都御史掌院事入見辭免官保上疏且虛心以執中使喜
怒賞罰發皆中節及論聽言用人之道 上嘉納焉既總
憲務持大體奏上畫一之法申明職掌凡十條乞復執法
被誣者官詔付所司施行而考察奪職枉者始許官論辨

矣改刑部尚書凡中外諸司獄囚叅讞務允不以文法嫌
怨禍福自沮至罪在不測衆莫敢言者必奮身論救正德
中土魯番謀奪甘肅哈密入貢者為之內應副使陳九疇
知其謀大索甘州城中回夷裹甲者悉斫殺之而身自搏
戰敗土魯番兵至是儉人聶能遷上書言哈密之不能興
復者由陳九疇妄殺啓釁也事連致仕兵部尚書彭公澤
時王瓊復總制陝西軍瓊故與澤交惡而大臣因主瓊遂
捕九疇下獄議坐極刑公嘆曰使我典刑獄而殺一忠臣
吾寧先死乃抗章申理願以數日保之上大感悟陳得
減死戍遼東彭編氓隴西豪柳瓚誣巡鹽御史王朝用陰

事有 旨建治公奏恐傷憲體事竟直焉劾去即官之錄
 囚不當者其因事建明得著為令者三翁姦子婦未成者
 減死一也竊盜自首得減者免刺二也庶人在官應守法
 而不守者並依枉法科三也復因災異陳言勤聖學一事
 恤民任官九事轉兵部尚書加太子太保陳兵政十事土
 魯番劫曲先衛人牙木蘭以為將蘭擁族帳內徒土魯番
 遣使求蘭將甘心焉大臣即欲予之以易哈密公言曲先
 本服屬中國蘭反正歸順非納叛比而哈密空城縣遠無
 益事實正且厚牙木蘭以風蠻夷無為土魯番所欺請
 勅下瓊先^王盡復瓜沙之地收合土失屬夷封殖哈密永為

不侵不叛之臣以致番使相破滅此伐交之上謀也且請
廣屯種興鹽利預收糴以足邊儲而薦都御史馬昊陳九
疇副使施儒揚必進堪統軍旅吏部言諸人皆不可用公
遂引疾致仕三疏始得請居亡何起為南京兵部尚書叅
贊機務不拜猶手疏勸廣嗣育容直言惜人才未幾薨于
家賜謚端敏贈少保公忠貞廉約練暢世務而尤愛惜人
才其憂國薦賢之心老而益篤初抗論逆藩幽囚遠戍間
閔九死及遭 聖明益感知遇危言正色蹇蹇匪躬朝野
想其風采雅志儉朴位居端揆布素如寒士門無私謁接
引後進談議世務終日忘倦嘗曰學貴經濟不專在詩文

也讀衍義補著膚見四卷居遼陽著春秋志疑十八卷幼
精騎射及遇盜于滄敗楊虎劉六羣賊述滄州退賊事略
一卷德安行稿太平寶慶雜稿各二卷姚源建昌征案東
昌撫案共十卷撫蜀雜稿一卷讀易私記四卷詩文二卷
自述年譜一十六卷其奏議二十卷已行于世奏官刑曹
辱公國士之遇命其子純受易公去位時顧謂奏曰吾老
矣天下方多事子其勉之公之所以望奏者何如而奏乃
若此已邪純之赴肇慶也走姑蘇請曰先公知子予不傳
先公而誰傳邪嗟乎士為知己死空言奚足酬哉以公之
忠勲而奏附以不朽是予之幸也夫

論曰方宸濠之謀逆也吏于江西者咸劫於積威勢怵利
啗惟其欲之是聽至富貴結腹心如潘鵬王綸者不少也
間有稍知逆順者不過循默自保觀望規避以脫虎口為
幸耳敦有奮不顧身如胡公者哉疏朝入而禍夕發左右
出入門戶寢居皆逆徒也而竟脫身間走得免灰滅及械
繫掖庭備嘗百毒朝之用事者悉受濠賂遺批抵機穿幾
陷不測卒賴御史徐文華等抗章申救僅而遠戍而濠之
逆謀始彰露中外亂臣賊予人思誅之矣然而已卯之變
孫許駢戮遠近震驚向使當國者採徒薪之謹謀謹履霜
之明戒先事制變禍亂何自而生哉胡公身不踰中人言

期期若不出口及論大政事決大疑侃侃諤諤守死不回
居常憂國不遑寢食事有不可者即閉門草疏無少顧忌
嘗憤守正者遭誣落職懇懇言之正色立朝孤立無與今
皇帝知其忠鯁雖數進逆耳之言而曲加優納不以為忤
一時新進用事之臣雖極恩寵然天子所敬憚優假者
胡公一人而已見幾勇決進退有禮世尤高之孔子曰所
謂大臣者以道事君不可則止莊助曰古有杜摎臣招之
不來麾之去若胡公者其近之矣

胡端敏傳

雷禮

少保胡公諱世寧字永清別號靜菴抗仁和人也家落莫
棄資產不營慨然思經濟天下弱冠補昌化學生受知吳
提學伯通有靈芝孤鳳之褒弘治五年舉鄉試第二故事
計偕者給路費百金公以浙生竟辭其半明年第進士歸
其門耻閔謁鎮守中貴人棄之去初除德安推官
時岐府開國百需蝟集群從怙勢橫甚悉以法裁之且諷
王曰此朝廷法即殿下家法某何敢不守此朝廷民即殿
下千百年立國根本某何敢不恤王由是戢下無敢作奸
者及請民間開墾湖田充柴炭撫巡業與之公措畫利害

媿媿乃止 郡屢平抑獄民以不寃其除苛賦清里甲諸
條畫具可為經久之法陞南京刑部主事歷負外郎郎中
富能訛是非成敗人公憫憫然不輒撓西寧侯
家訟久滯更九司十三道不決公一旬即得其情案遂判
顧金箔者富翁也被羅織致大辟賴公雪白每過門必稽
顙而去機戶顧謙乾沒官銀累萬析解罪於公不能干逆
瑾愬下南道阿奉者疏出之劾公為枉牘後上直公

出者罪其情文比制率類此兩應詔求言疏邊務十事并
條勤學問慎輔導廣延納重守令公用人汰冗費俱探核
本原鑿如也然其強果亢厲人固以是賢之而亦多詆忌

積三考出知廣西太平郡陋甚所隸率土官習不庭參至
則推心群夷絕餽獻或他出過其營單騎入坐帳中縱閱
騎射乃還子弟應保襲者輒為任之夷獠帖然孚格於是
思明黃文昌羅陽黃景明茗盈李萬榮全茗許榮高輦皆
素桀鷲一呼即匍匐塔下惟太平知州李璠負固跳踉不
已乃密檄龍英州趙元瑤扼而執之積禍頓息又建置壺
關限隔北寇屹然為一方巨防至今賴之未幾以母喪解
官民惘惘然不忍失正德七年服闋補寶慶初徃武岡朝
珉王聞珉府受詞勢人取其財下諭里老奉有令旨必并
其人送府驗實啟行偽者弗貸以府人相戒毋犯後王

索民枝急公曰先王初封枝尉遍食沙衡求實四府今收
回寶慶一府他日子孫分封繁衍其可支乎王曰御史奏
得旨矣公曰御史奏錯知府當奏改耳王器其直無恨意
巨鎬偕鎮守王潤以事至郡搖吻于民難鑿公折以法潤
歛手其從人以左道寓郡輒執之恣射平民者又執之潤
銜公最深而猶稱公好官云其郡屬糧則繁漫奸不可詰
乃類田均糧一色徵之民省歲供之半闔境盡驩曰胡父
活我矣踰年陞江西按察司副使兵備東鄉巖谷深阻群
盜鼠穴其間日肆抄掠為饒信患公遇盤錯益喜截決恬
亂如樂庾二陳邦四等悉設計擒馘之其聿心如王賽一

者至為秦原其死既而遷縣垓城經武療饑民晏然安矣
公嘗調征桃源擣賊巢調征毛坊援吳廷舉調征建昌衛
益府皆冒矢石為士卒先又城廣昌城南豐城新城迄今
不被寇其功竟為督府所銜不叙會宸濠有反狀人莫敢
言獨癘憂上疏曰江西之禍不止盜賊可慮者寧王自得
衛兵威謀日橫騷擾閭閻鈐束官吏禮樂政令漸不出自
朝廷臣請勅王自治其國勿撓有司以防未然君子曰用
胡公曲突之謀無患矣而當事者泄泄漫下其章濠恚恨
甚賄用事者計欲殺公搆飛言誣為離間親親建捕之公
已遷福建按察使歸省濠嗾其黨巡浙御史潘鵬發卒襲

公公間行自投禁獄被掠服無狀復行江西會勘欲別附他罪於是給舍御史交訟其寃不已用事者迫人言得減死論謫戍遼東十四年六月濠舉兵反都御史王守仁倡義兵俘濠廷議是役也惟王公達擢戡亂亦惟胡公先幾伐謀故驚形潛匿以致於殲滅若斯之亟也特起戍中為湖廣按察使尋晉右僉都御史巡撫四川今上更化以忠直受知益展盡底蘊無隱首勸上取大學衍義一書朝夕省覽以光聖德及言內擒江彬外擒宸濠均當論功昔附宸濠今附江彬均當論罪武臣如指揮牟斌執法受罪內臣如周義守正殺身宜一體褒錄以示公平無不謹切當

上心者松潘內外熟番舊為蜀藩衛後漸背叛上存東南
二路通救援緣守臣弛備南路亦塞乃䟽安撫方畧在用
人才添兵將更賞罰足財用事下兵部議行之芒部隴氏
者自其祖父請分設長官司近者兵備官議不可許又䟽
隴氏裂地設官雖稱衛彼實為筠連等縣扼賊喉襟從之
便樞曹不用今隴壽襲職竟為隴政所殺人始服其識嘉
靖元年晉吏部右侍郎未任奉父喪三年詔議 睿皇帝
尊號廷臣諍論多被扑除名屬江淮荐饑公免喪家居其
孝親保民一䟽乞定追崇大禮肆赦郡臣小過使各陳救
荒彌亂之策以成今日急務又言新進議禮一言適合未

必事事之皆是老成執禮一言過當未必事事之皆非聖
明惟天地日月三無私心照臨於上可也凡數千言不果
上既言者欲遷顯陵于燕山極論遷葬利害乞嚴絕檢壬
君臣協恭任賢保民為務并前疏並進上嘉納之四年起
兵部左侍郎公前謫遼東熟知京東一帶利病進備邊二
十五事復憂時事獻三經講議引大學秦誓好惡之章以
戒媮嫉尚書惟辟作福之章以重威柄易大傳不出戶庭
之章以慎幾微辭多中群忌皆畝中大禮成與加俸辭以
在廷議禮臣時在家欲極言治道於後故僭言大禮於前
况屬論定之餘不敢冒領又 人官人二十 會言者

劾公啟告密之漸遂力求退改南京吏部左侍郎六年晉
南京工部尚書甫二月以左都御史徵道改刑部尚書尋
用詹事霍韜言加太子少保仍左都御史掌院事公入持
大體申明職掌上疏勸上務執中之學遇事當喜怒者則
又臨時省察其中節與否而後發至論聽言用人詞嚴義
正聞者壯之執政請禁私謁公言臣官以察為名人非接
其貌聽其言無以察其心之邪正才之短長若屏絕士夫
徒按考語則毀譽失真而求激揚之當難矣上是其言不
禁坐臺閱月執政計改公刑部尚書公實安之於中外諸
司結要必究情比法於理不可執議懇惻弗但已大監剛

聰與運舟爭道有奧援誣官兵攘其織造資陷幾二千人
抗疏不宜廣追驚遠近得從寬決至秋聰事敗伏罪而公
言益信陳九疇者故以兵備巡撫有事甘肅兩敗土魯番
兵于時總制西事尚書彭澤秉政則大學和也土

魯番據哈密城劫忠順王印以要市中國縱反間傾九疇
當事者有憾於楊彭二公欲乘九疇事連坐之就愼人王
邦奇聶能遷陳哈密淪陷番達入寇釁起九疇於是下九
疇獄擬大辟公昌言于朝曰使世寧司刑而殺一忠臣寧
先殺世寧執政持可乃密疏為彭陳申理上矍然大悟曰
豈我巡撫都御史殺來償回子命耶九疇得不死戍邊楊

彭亦免于逮七年春有司奏黃河清甘露降方告謝齊宿
忽風霾異常公求黜應變不聽則上勤學恤民任官十事
俱報可八年轉兵部尚書加太子太保公辭言甘肅之危
可慮川蜀之危可慮中原兵將錢穀無備可慮臣才性不
堪再辭不允則陳列兵政曰定武略崇憲職重武

備更賞罰御土夷足邊儲絕弊源正謬誤惜人才凡十條
詔許蒞部次第舉之始拜大臣建議銷兵如潞城之賊留
不欲討討者必治其罪公援古權今力辨其非議遂寢職
方左卽中數通邊將寵賂無厭且蔑視三司馬公疏劾去
而夙弊大奸整刷十五既芒部沙保一支逐官劫印攻圍

畢節議者欲革流官復隴氏之後公言壽政讐殺二十年
今隴勝或非壽子而驟復其土官是階禍也莫若降勅諭
川貴各土官賜之定命其芒部原設四長官司能守土安
民即不復立府如願立府土流惟彼所欲有一人作亂者
三人共滅分其地䟽上忤執政意中沮之會土魯番大將
牙木蘭率衆來降而土魯番誘瓦剌入寇索其羈使且求
開貢公言番夷變詐非由起釁今圖復哈密無益而歲受
土魯番之挾我為奸利則宜有覺而速改之且陳轉危為
安之策甚悉喜功者有所軒輊不盡用其策公又䟽請增
武備足邊儲薦馬昊陳九疇施儒揚必進堪統軍旅上為

起昊將用之他亦付所司議行矣桂冢宰萇詆公侵官格
不用公遂引疾求去且以任人圖治之要上極言之然多
違衆求去益力疏三上乃許致仕優賜輿人月廩未幾再
起南京兵部尚書叅贊機務遂稱疾篤猶力贊上圖廣嗣
育客受直言愛惜人才云九年以疾卒壽六十二贈少保
謚端敏公宏才遠慮深識天下之務遇事斤斤執典不以
禍患怵沮雖獨立寡諧周施卿佐不滿三朞而神采英銳
必欲贊匡至理不肯苟且以窬官寵至於清約自守常如
寒士而恤宗人之孤獨與人之舊德當酬及鄉先進之裔
有流落者雖傾貲賙之不吝豈沒而可祭於社者非耶平

生所著有大學衍義補膚見二卷春秋志疑八卷讀易私
記四卷奏議存稿若干卷滄州退兵事畧一卷德安太平
寶慶雜稿共三卷姚源建昌征案東鄉撫案共一十卷詩
文二卷自敘年譜若干卷 論曰士以直道事人顧不難
哉以胡公之忠鯁稽古展蘊期而勵焉將若何而極也然
自其為推官挺挺特立而擠之散即既以是蹶及為郎強
果以徇其職而再擠之惡郡則又蹶至逆濠魚然于時在
位者悚息避禍矣而公獨首犯之豈其情於保哲者紮既
天悔既起躡蹈九死之餘而危言蹇蹇迄不少挫嚮非聖
明灼知倚任於上而能顯其聲施若此其卓卓難矣傳曰

國有道不變塞焉強北矯公真其人北彼揚已取名瞭然
使戶曉者蓋胡公之細耶

浙江圖書館

浙江圖書館



浙江圖書館

光祿大夫柱國太子太保兵部尚書贈少保謚康惠

李公墓誌銘

承勛

諸城翟鑾撰

今聖天子旣光踐大寶慨然釐革庶政收召材賢凡士大夫以節與名表著于時莫不列置省位於是故南京兵部尚書靜菴胡公起廢于浙我遜菴公召用于南咸彬彬然進矣旣而靜菴公老于家公復以暴疾卒於官曾未逾年兩哲摧隕朝野盡傷謂之何哉公訃聞天子悼哀念未盡用公親灑宸翰製為祭文定命禮部堂上官諭祭復遣中使賫白金寶鏹幣帛往卹其家贈少保賜謚康惠終始恩

遇人莫敢望公死且不朽矣大司徒儉菴梁公暨公僚左
侍高吾陳公携其孤糝奉中允廖公鳴吾所為狀來請銘
鑿日趨朝得聯綴公階接聞言議風采通明閭切不放不
拘退輒仰其材賢乃今卒然相失以去悲夫故不敢辭而
為之文曰公諱承勛字立卿別號遜菴世家湖廣之嘉魚
唐鬱林王恪之裔也鬱林傳十四世曰璠者為時聞人璠
之魯孫宗儒建義學湖西族益茂衍儒入世孫憬生
生煥於公為高祖煥之子曰善於公為魯祖善生田景泰
甲戌進士累官都御史公之考也三代得以公貴贈光祿
大夫太子太保兵部尚書妣皆贈一品夫人公兒時即負

思忠
思忠

鉅人志不妄言動見者目為遠器都御史公卒後益循世
學諸兄即中承恩評事承芳貢士承箕承顏穎明性理學
公自相師友聲聞四方學者多從之遊弘治癸丑登進士
第授太湖令鋤強剔嘉力行古政徵拜南京刑部主事六
載考績晉戶部員外郎即中居母畢太夫人憂服闋補工
部虞衡郎中擢江西南昌知府時江西諸郡巨寇謂興高
安姚源東鄉華林諸鄉寨悉為賊巢正德辛未贛賊犯新淦
執叅政趙士賢以去總制都御史誣公繫之獄已而事白
遷浙江按察使丙子晉陝西右布政使尋轉河南左布政
使庚辰陞都御史巡撫遼東惟開原一鎮孤懸賊境密爾

奴兒于諸夷故多邊城悉就頽毀賊往來不可禁乃奏脩
築之由是起定遠慶雲次古城鎮夷以及松山柴河諸要
衝為垣六萬七千四百餘丈壕塹如之塼臺百八十有一
招徠逋逃三千三百有奇墾田四千五百餘頃又以中固
鐵嶺蒲河撫順當夷寇之衝復各城其要害垣塹臺視
開原加三之一公以赤心推置人腹財不過費民不告勞
三閱月而成事聞武宗皇帝璽書褒美復進俸一等公以
軍旅久復久復多疾疏請告歸未幾今上龍飛起公視南
京都察院事轉南京刑部侍郎晉尚書召為吏部尚書未
至上以刑獄至重公舊司寇留都乃改刑部尚書加太子

少保公感上知遇疏陳時政謂為今之計在足食與兵宜
選京軍以壯根本止調操以實內地足衣糧以卹邊軍振
紀綱以申軍令謹收納以清宿弊便輸將以甦民困定經
制以裕國用致中和以感化機上皆嘉納之時承平久武
備懈弛上思得人以張皇戎事乃加公太子太保兵部尚
書兼左都御史賜以璽書總督十二團營親製詩一章以
寵錫之己丑專領本部尚書時岑猛孛兵于田州沙保拒
命于芒部甘肅土魯番反覆桀驁宣大小王子擁衆深入
警報日至紛沓填委公處分調畫動中機宜卒用底績公
慮冗食大耗國儲乃奏裁各省鎮守守備內臣非祖宗法

不可動及後所增置莫敢何問者凡二十七錦衣衛千百
戶五百餘騰驤勇士及內府監局僞名軍匠數千是皆積
習根蒂深固人皆偉公以為難庚寅一品考三年滿上親
製手勅褒嘉及羊酒寶鏹之賜時大風晝晦上詢公以邊
務公上疏曰北虜自去歲黃河水合俱入河套今歲邊患
陝西為急又甘肅軍餉舊轉輸河東宜於蘭州方及時糴
貯以備河西不測之災甘肅舊患上魯番今復加以亦不
刺近歲套賊往返俱經莊浪地方被其殘害宜增墩設險
使兩寇不得交合為患朵顏三衛最近京師不善撫之則
為門庭之寇雲南安鳳之叛軍民困敝今臨安蒙自盜賊

復生曠日持久恐釀成大患交趾世子流寓老樞大為雲
南廣西之害此皆邊務之可憂者要在豐財用人而已矣
上深以為然辛卯二月上親耕藉田公以九鄉助耕九推
是月行特享禮正太祖位南向命大臣恭捧神主于寢殿
公預焉三月二日丁亥上冊九嬪公預持節充正使五鼓
趨朝疾暴作掖歸越二日己丑卒壽年財六十有一後數
日上經筵畢召輔臣面議大政語及公上曰吾欲用之吏
部今已矣因甚惜之由是卹典有加焉上雅重公嘗遣中
使賜以密諭褒揚倚注不一而足業雖不竟上結主之下
不負所學矣公學有淵源濟以剛明果斷提兵南北深識

夷虜機要而通達國體練習庶務每集議朝堂辯論慷慨
不為顧望其所論奏如平賊事略土魯番議邊務災異平
刑林敞諸疏前後數十皆切中當世要務所著有一得草
痛定稿開原雜議藏于家始配蒲圻龔氏贈一品夫人繼
河南袁氏封一品夫人子男一人救女二人銘曰世自古
降士材類分孰負明畧而深締文李公之先鬱林延條枝
羣從累材累賢暨公學興家自徒朋趨庭聯床有師有承
既富源本大放于時細大經權試輒效隨南寇叫呼斬捷
江省公執其竒斧彼腰領既治既鋤矜此無辜時灑雨風
蘇其稿枯提符渡遼保界護持高墉言絕其瞰窺老壯奏

功不專外事亦有敷納願弘內暨李公既文既武有蜚其
聲于帝之所帝曰材臣其徵予助統我百群真我憲度再
陟司馬命掌六師士有寒饑公衣食之野有梟狼公筮治
天子是毗胡遄其歸繫我帝思匪公是私惟幄之悲千百
其祀請視宸詞

浙江圖

浙江



浙江圖書館





浙江圖書館



浙江圖書館



浙江圖書館

浙江圖書館善本


甲登記號：006668

一九 年 月 日



浙江圖書館

colorchecker CLASSIC



浙江圖書館

xrite



